



序



詩餘之學至今日而極盛採輯者無慮數家大抵舊
曲不如新聲原譜不若變調非欲異耳目所以廣辭
源暢聲教也數年以來風流彌繁收之不勝收乃前
製已工而新章叠奏清徽未謝而妙緒復興採芳擷
秀者所不能忘矣吾郡張子研銘田子鬣淵心好而
廣蒐之哀然成帙於是掇其穠華撮其英異意欲其
曲而婉思欲其巧而儁采欲其豔而織調欲其變而

雅吐納平香奩金荃之腴而進退乎李晏秦柳之度
譬之魯遽之言曰置一瑟於堂置一瑟於室鼓宮則
宮動鼓角則角動音節無不諧矣雖未知其能冬襲
鼎而夏造冰乎然點綴則艸木變色杼寫則雷雨發
聲榮悴由其寸管哀樂出於半折繪事之家有畫火
覺熱畫風覺寒者卽詞人之技又何多讓焉蓋二子
工於詞而又能以已之工致人之工克瓌麗於上宮
集芳蕤於盈把所謂善舞者識俯仰善謳者知疾徐
雖曰好事亦有神契焉或者曰以二子之懷仁蹈義
志在弘濟顧拓落無所試猶留意於切眇柔曼之間
以銷其磊落沉雄之氣得無以有用爲無用乎余曰
不然

國家方建靈鼉奏朱鷺發揮江漢之烈揄揚元和之雅
則是選者亦清商相和諸曲也夫栢梁雲構工匠先
居其下雲門韶濩鍾夔先聽其音一旦明堂禮定封
禪告成使二子者翱翔禮樂之場從容帝丘之側發

揚路厲鼓吹休明其事業煒煌輝映前後有不可量者豈僅比於荀阮審音顏謝製辭而已哉

康熙戊午七月同里弟計南陽題



叙

在昔蘭臺氏曰賦者古詩之流也顧三百篇辭旨深厚賦則灑濶波衍循源溯流勢則然爾竊謂詞亦唐律體之流律體以五七言爲準至於詞錯綜變化視五七言而加而殺繁簡雖懸尺度判不可越卽謂之曰長短句律可也前人卽境命調審調製詞在提舉樂府者固謀之伶倫叶諸律呂卽或與會所觸舒嘯繼之亦本自然天籟可譜可歌迨沿習旣久且踵事

而增矣乃士雖詰匠窘步造端生際文明彪炳之餘
儼而後議凡藝皆然矧此雕蟲其騁臆智而偈曩軌
乎我鄉前輩言詞者以花間爲宗幾置長調不作戒
勿涉艸堂以後蹊徑弱歲側聞斯論信疑半之蓋詞
旣唐律體之流則其時代升降體裁正變亦猶詩在
唐時武貞而後景乾以前人不一家家不一轍安能
比而同之率歸太始耶今海內工詞者不乏人風氣
日上與詩格畧同遂覺我鄉主一不變之說似嚴實

隘譬諸粉黛媼視鬢眉賁鏞讓能絃管卽美人香草
作者間有遐情而空中綴色已墮思惟塵境矣無怪
乎莊士薄等冶遊理家譏同玩物此未必非持論者
失也新城王氏曰有詩人之詞有文人之詞有詞人
之詞有英雄之詞此愚言之一證也陽羨陳氏曰今
之學爲詞者矜香弱爲當家以清真爲本色神瞽審
聲斥爲鄭衛輾轉流失長此安窮此又愚言之一證
也大抵偏倚則拘曲易窮集成則弘廓有本才人性

情儒者學問安往而不獲見焉我友張子硯銘古今兼詣尤工於詞清平一選可與倚聲詞苑今詞選諸名集並縣國門鏤梓良久今始問世誠慎之也予不敏偶一二左右其間才拙識闇自運恒疎辨體或舛鑑不自照而能照物見未之有硯銘更慮搜採未備行謀廣二集以永流傳庶幾荃畹競秀花艸爭妍合茲集稱詞藪大觀也哉

康熙戊午七夕後五日華亭田茂遇髯淵甫題

清平初選凡例八則

一是選分前後兩集啓禎以前爲一集

本朝諸家爲一集有詞名最著而此選不及者概登前集

一是選始於巳酉之秋後因郵贈日富刪繁補畧未敢率爾問世然山川間阻見聞舛鄙絳漏之愆寃難免也

一前人成譜相沿原不一格至後來擬作易致參差

茲據愚見所及畧爲校訂一二以正雅宗

一詞雖雕蟲小伎亦本性情所近周柳辛蘇各存本色總之情景兩協才法兼備洪音纖響豪致幽懷俱屬擅場是選亟爲登列

一邇來選家林立倚聲一集向所服膺近又獲見今詞選本及西泠詞選互有取裁聞陽羨陳子其年白下周子雪客暨同里錢子萼鮫皆有古今合選引領成書用徵同調

一詞壇鉅公每有倡和之作或一調而多至數十闋如西泠倡和之滿江紅秋水軒倡和之賀新涼廣陵倡和之念奴嬌美不勝收悉珍秘笈統俟二集廣載

一敝鄉自幽蘭三子溯源導流近來作者抽秘騁妍競相慕效故是選搜採獨多然尚有缺畧者或遊屐遠方或枕笥自寶猶未能全備也

一丹鉛之業折衷淹雅余寡陋無文寧敢妄司品隲

祇以髡淵田子躬耕水西暇時扁舟東渡下榻寒
齋留連晨夕追述曩年與王阮亭先生曾有詞選
之訂結習未忘俯就商榷遂爾共事至於子山計
子樗亭董子蕓斂錢子樽酒細論互相參質良友
之助尤不少云 峕

康熙戊午歲孟秋朔旦雲間張淵懿硯銘父謹識

清平初選後集

姓氏 畧照卷次中所列前後

王敬哉

名崇簡宛平人

梁玉立

名清標真定人

龔孝升

名鼎孳號芝麓合肥人

李坦園

名霽高陽人

熊雪堂

名文舉新建人

吳駿公

名偉業號梅村太倉人

曹鑒躬

名溶號秋岳嘉興人

宋轅文

名徵興號直方華亭人

錢爾先

名繼登號龍門嘉善人

李長文

名昌垣宛平人

曹允大

名勳號峩雪嘉善人

宋玉叔

名琬號荔裳萊陽人

王胥庭

名熙號子雍宛平人

李舒章

名雯松江人

馮敦五

名達道號警蓉武進人

王言遠

名庭嘉興人

王貽上

名士禛號阮亭新城人

宋尚木

名徵璧華亭人

趙清止

名進美號韞退益都人

錢爾斐

名繼章號菊農嘉善人

董玉虬

名文驥號雲知武進人

曹子顧

名爾堪號顧庵嘉善人

馮訥生

名雲驥振武人

柯素培

名聳號岸初嘉善人

彭駿孫 名孫通號金 鄒訃士 名祇謨號程 尤展成 名何號悔庵

黃雲孫 名永號艾庵 趙千門 名鑰號南金 周文夏 名季琬宜興

秦雷仙 名松齡號對 李湘北 名天馥號容 汪蛟門 名懋麟蘇州

王幼華 名又旦號黃 徐原一 名軋學號健 陳善百 名世祥通州

王子底 名士祿號西 丁飛濤 名彭號葑園 宋子建 名存標號秋

孫堯表 名允恭號壽 吳二公 名洪化宜興 季天中 名開生泰州

吳菌次 名綺號聽翁 成容若 名德順天人 稽叔子 名宗孟淮安

魏石生 名裔介栢鄉 施及甫 名維翰號硯 魏子存 名學渠號

程奕先 名光禋錢塘 孫衣月 名自式號風 季詵兮 名振宜號滄

米紫來 名漢雯宛平 沈木門 名鱗嘉善人 張友鴻 名一鶴號忍

楊猶龍 名思聖鉅鹿 王伊人 名廣心號農 董閻石 名含號榕菴

魯謙庵 名超紹興人 沈友夔 名龍松江人 孫古隍 名錄嘉善人

李竹西 名蒸原名長 周宿來 名茂源號釜 吳寅仲 名亮中嘉善

宋既庭 名實頴長洲 毛卓人 名重倬號閩 宮紫懸 名偉鏐泰州

錢葆翻 名芳標號蕪 王顥士 名項齡號瑁 董子康 名元愷武進

許鶴沙 名續魯松江 程鳴仲 名文藝號梓 趙友沂 名而怵長沙

徐屆甫 名遠號道招 王次回 名彥泓金壇 董楚望 名衡烏程人

沈貞黈 名荃號釋堂 錢爾玉 名繼振嘉善 周子俶 名肇號東崗

任青際 名方斗原名 董蒼水 名俞號樗亭 黃初子 名京武進人

賀黃公 名裳丹陽人 許有介 名友侯官人 龔介翁 名百藥號瑯

清平初選後集 姓氏二

曹掌公 名鑑平嘉善 陳大匡 名堂基桐城 蔣亭彥 名玉立嘉善

沈去矜 名謙錢塘人 王子武 名九齡號薛 董文友 名以寧武進

陳其年 名維崧宜興 何信周 名龍文晉江 胡宣彛 名文煥遼東

鄧季威 名漢儀泰州 汪苜文 名琬長州人 曹天琪 名垂燦號綠

顧華峯 名貞觀號梁 張子美 名安茂號蓼 趙雙白 名炎原名潛

朱錫鬯 名葵尊嘉興 卓珂月 名人月杭州 高二鮑 名層雲松江

王季友 名鴻緒號儼 徐野君 名士俊錢塘 孫豹人 名枝蔚三原

計子山 名南陽松江 胡幼蓀 名弗嘉善人 錢紫曜 名理武進人

許九日 名旭太倉人 張星燦 名有光號揆 高小却 名銑揚州人

錢聖月 名光繡郵縣 孟子塞 名稱舜會稽 宋河宗 名泰淵華亭

陳請公 名僖保定 葉九來 名奕苞崑山 張越九 名錫懌號弘

申鳧盟 名涵光永年 柯寓匏 名崇樸嘉善 徐麗冲 名允貞松江

王惟夏 名昊太倉人 陳古公 名聘休寧人 周壽王 名積賢松江

陸蓋思 名進餘杭人 林平子 名子襄松江 計廉伯 名善嘉善人

敖山來 名璫無錫人 施呂授 名樟松江人 張北是 名辰嘉善人

王禮吉 名士禧新城 王次谷 名曜升太倉 顧孝持 名衡號霍南

吳日千 名騏松江人 田叔殷 名庶順天 沈幽祈 名蓀年嘉興

嚴蓀友 名繩孫無錫 孫武經 名釋武無錫 錢武侯 名思椿松江

曾兩吉 名詰吉安人 吳睿公 名啓思湖州 潘芝雪 名廷瑞宜興

戈長鳴 名元穎嘉善 金天石 名是瀛松江 史遠公 名鑑宗金壇

毛穉寶 名蕃嘉善人 錢子璧 名穀華亭人 周丙仲 名宏藻嘉善人

沈君勝 名自炳號聞 徐九玉 名爾鉉松江 王彙升 名宗蔚華亭人

魏惟度 名憲三山人 張止鑿 名天湜華亭人 錢蔚宗 名瑛嘉善人

毛馳黃 名先舒錢塘 葉丙霞 名映樞號蒼 周鷹垂 名綸婁縣人

曹次典 名偉謨松江 呂吉士 名福生紹興 毛公阮 名羽宸嘉善人

程墨仙 名靜休寧人 彭孝緒 名開祐婁縣 林安國 名子卿松江人

錢巖燭 名士賁嘉善 施克生 名維楨號萍 范武功 名績松江人

吳伯憩 名棠禎山陰 范莞公 名魏華亭人 沈和承 名積潤松江人

宗定九 名元鼎號梅 周渭陽 名振璜嘉善 張次璧 名積潤松江人

沈方鄴 名泌宣城人 張佳木 名集號曼園 錢上子 名炯嘉善人

徐方虎 名倬德清人 白仲調 名夢鶴江寧 柯翰周 名崇素嘉善人

丁雁水 名煒晉江人 楊玉符 名瑄婁縣人 許聖木 名朝聘無錫人

梁冶湄 名允植真定 張因元 名茂枝泰興 袁嶽咸 名揆燮秀水人

曹升六 名貞吉號實 吳臥山 名元龍婁縣 宋疇三 名德宏長洲人

儲觀大 名福觀宜興 沈鶴山 名騏嘉興人 馮維駟 名爰詢松江人

陳賡明 名玉璣號椒 戴蘿軒 名茂隆松江 曹徵之 名鑑徵嘉善人

蔣大鴻 名階松江人 吳六益 名懋謙松江 朱禋頌 名以洽嘉善人

毛大可 名姓號西河 儲雪持 名貞慶宜興 張又李 名永徵號梅人

湯卿謀 名傳楹吳縣 錢越江 名金甫上海 陸聲子 名樹駿嘉善人

賀天士 名宿丹陽人 沈葵叔 名宗叙松江 計勗丹 名敬嘉善人

林武宣 名子威華亭人 沈木公 名案嘉善人 馮霄燕 名瑞松江人

歸元公 名莊崑山人 葉丹書 名尋源號硯孫上海人 紀槩子 名

孫執升 名琮嘉善人 陶山元 名元瑞絳州人 徐啓遠 名覽松江人

王孝峙 名屋嘉善人 徐顯武 名功燮嘉興人 顧雲伋 名秉堅

余澹心 名懷福建人 魏卜臣 名允枚嘉善人 錢右尊 名壘太倉人

杜九高 名登春號讓水青浦人 王子側 名士祐新城人 吳受茲 名晉蕃松江人

儲九旂 名福疇宜興人 沈彥澈 名道暎華亭人 蔣左箴 名無逸松江人

林定遠 名子寧松江人 李赤茂 名焯嘉善人 爰山夫 名丹生吳江人

沈寧之 名仁敷原名堃紹興人 章無恤 名惟武進人 馮个臣 名樾松江人

華龍眉 名袞江都人 張嘉樹 名翥松江人 周肅陶 名振藻嘉善人

沈友鹿 名麋嘉興人 魏亮采 名勦栢鄉人 王西園 名顯上海人

韓子遠 名純玉湖州人 林季度 名子儀松江人 沈淵伯 名湛嘉善人

孫秋屏 名允觀嘉興人 于韜仲 名儒穎金壇人 宋峩修 名際松江人

陳原舒 名舒嘉善人 趙半眉 名子瞻上海人 張持遠 名世定婁縣人

曹子閑 名爾坊嘉善人 馮寶初 名守真松江人 袁丹六 名秣嘉興人

葉星期 名燧吳江人 朱彥則 名綱松江人 張淇園 名光曙吳江人

錢武子 名德震松江籍海鹽人 吳天石 名玉麟宜興人 蔣孝培 名光祖嘉善人

黃雨相 名霖揚州人 施楚望 名倚婁縣人 張崑遠 名世源華亭人

陳心微 名謀道嘉善人 宋子壽 名祖年松江人 黃奉倩 名

戴餘照 名鏡曾人 周冰持 名穉廉松江人 蔣蕉原 名雯嵩華亭人

清平初選後集 姓氏五

莊蝶鄉 名建倩 委縣人 栢斯民 名古嘉善人 徐近光 名熙松江人

張西籬 名蘭芳 松江人 王鳴珮 名國瑛 嘉善人 吳曼倩 名董襄 婁縣人

徐安士 名弘基 松江人 張慧曉 名李定 婁縣人 倪廷伯 名晉嘉善人

宮武承 名昌宗 泰州人 周士則 名撫松 江人 單嬰垣 名瑩華 亭人

周森綠 名瑛宜 興人 張紫垂 名世綬 婁縣人 姚竹齋 名鑑 杭州人

周廣庵 名金然 上海人 孫昭令 名纘祖 嘉善人 曹十經 名爾 垓華亭人

俞右吉 名汝言 嘉興人 單孝求 名昭儒 華亭人 胡蕃錫 名敬生 婁縣人

徐電發 名鈺 吳江人 周紫瑤 名玫 婁縣人 陸楚湄 名凝 嘉善人

鄒黎眉 名登巖 無錫人 吳賡咸 名守宸 武進人 馮景修 名思馭 華亭人

孫芳巖 名葵嘉 善人 李寅谷 名賜 婁縣人 劉飲王 名又伶 嘉善人

宮宗衮 名夢仁 泰州人 林鶴招 名豐垣 號柳亭 杭州人 徐蘭生 名際可 遂安人

周雪客 名在浚 江寧人 沈通聲 名文璧 華亭人 宋舜納 名太麓 松江人

楊白崖 名鶴鳴 嘉善人 王慶成 名永祚 華亭人 莫丹陳 名敬生 婁縣人

陸我謀 名埜號 曠菴 平湖人 莊天申 名沁蘭 谿人 張泰菴 名逸 嘉善人

趙澄江 名泗平 湖人 徐埜公 名范華 亭人 曹彥博 名爾埏 嘉善人

宋旦華 名景琪 吳縣人 王叔聞 名冰瞻 名肅 松江人

吳漢槎 名兆騫 蘓州人 韓友一 名茂遇 號篔 閩秀人

周文姬 名秀 江陰人 張汝傳 名鬻淵 山華亭人

張硯銘 名淵懿 號蟄園 松江人

清平初選後集

卷一

西村張淵懿硯銘選定

箕山田茂遇髯淵全評

同里錢芳標葆翫叅閱

小令

十六字令 一名絳州春

閨夜

宋尚木

花露冷幽香透碧紗。來枕畔隨夢落天涯。

髯淵云節短音長低徊無限

短歌

徐麗冲

愁月影依然到畫樓。人何處風動玉簾鉤。

硯銘云聲出連珠歌傳碧玉

秋閨

張硯銘

秋夜靜飛螢點玉鈎光閃閃照見隔簾愁

鬢淵云草蟲之遺音

明月斜 一名落日斜

閨嘆

董文友

玳瑁床珊瑚枕火照香幃空自憐銀虬水瀉分明聽

花非花

古意

計子山

同心花合歡樹四更風五更雨盡眉山上鷓鴣啼盡眉山下郎

君去 硯銘云情韻入古

曉別

吳日干

夢回時恩深處不敢留未忍去臨行握手訂幽期高柳朦朦天

欲曙 鬢淵云可補別賦一則

南歌子 第二體

春詞

周壽王

玉篆沉鳧水金鋪小鳳斜杜娘無力繡春紗閒倚綠萍池畔數

桃花

花月詞

施呂授

月與修蛾斂花將淺暈分何曾花月解傷神總是看花對月可

憐人 硯銘云勘破情根

閨夜

張硯銘

篆冷香。翳去花輕。月影添。夜闌粧閣。剪聲寒。剛是小鬟低語下。珠簾。

鬢淵云此時情
味令人遙想

荷葉盃 第二體

美人藏鈎

錢紫曜

好把綠珠相擬。蓮子纖手握將來。笑問檀郎是幾枚。猜麼猜。猜麼猜。

閨情

張硯銘

飛雨飛烟。江浪凝望。日日憑闌干。底事拋人半枕寒。安麼安麼安。

鬢淵云叠句與前
調俱得自然之妙

南鄉子 第一體

送別

王貽上

送客江船。孤帆點點沒天邊。却上高樓臨極浦。日暮一綫春流。如碧玉。

欲去難留。蜻蜓一葉木蘭舟。細語離觴人竟去。何處新婦磯頭。烟水綠。

詩士云二詞俱本中州韻
蘊藉處真堪壓倒温韋

花朝

林平子

曉霧如烟。輕寒細雨奈何天。紅杏枝頭鶯對語。飛去昨夜玉人。春夢處。

鬢淵云渺忽
不可思議

春郊

田鬢淵

細草平沙。行春緩緩七香車。翠羽雙雙花外起。花裏倒影紅樓。

斜照水。

視銘云字
字香艷

望江南

單調
長安

一名憶江南
夢游仙

又夢江南
夢江口

謝秋娘

望江梅
滇南好

本意

錢爾斐

江南憶。第一是漁船。着醋薑絲調午鱸。帶鹽橙。縷煮秋鱸。脫帽五湖天。

江南憶。四月住山家。墜粉亂堆湘筍籜。煨泥細壅建蘭芽。松下焙新茶。

和湘真詞

宋轅文

思往事。都在酒杯中。羅帳慢懸金鏡月。瓊窓半鎖玉簫風。殘夜落輕紅。
鬢淵云可與弁
州藕絲風並傳

無限意。花月自春秋。芳草半隨游子夢。東風偏惹玉人愁。愁夢

幾時休。

視銘云意深調折
神理在離卽之間

本意

江南好。難向酒盃忘。殘雨數聲敲玉枕。飛花一點逗紅窓。切莫負春光。

秋閨

趙清止

風乍急。簾額動雙犀。細雨擁衾紅浪縐。濃香消枕翠痕低。無語

聽晨雞。

鬢淵云嬌
艷動人

夏夜

李文孫

閒無暑。湘簟水紋平。曲檻時聽蕉雨驟。小塘微度藕風輕。花下

逐流螢。硯銘云風致天成波紋自巧

湖上早春

宋玉叔

粧閣外。一帶綠楊烟。冶葉倡條今盡矣。春來那得到三眠何處。
硯銘云無限感慨不堪回首

春思

徐九玉

憶夢時。香霧擁花枝。睡去好無春管束。覺來猶自暗遲疑。枕上貯相思。
鬢淵云詮夢得所未有

郊遊

張

選勝處。草際半堆紅。避釣魚貪萍葉浪。歸巢燕語荳花風。應是禁烟終。

秦郵有贈

王貽上

江南好。春暮雨廉纖。魚子天晴初出水。鼠姑風細不鉤簾。底事惱江淹。
鬢淵云婉麗無匹

江南好。最好是孟湖。何處情人名碧玉。誰家亭子號真珠。聊爲結相於。
硯銘云天成巧對從何處得來

思昔日

鄒訐士

思昔日。何事到而今。照盡青銅猶有面。燒殘絳蠟已無心。起看月西沉。
貽上云似讀曲雙關體然是詞家本色語

秋景

曹子顧

秋山冷。苔石氣峻嶒。一縷殘鐘知過樹。千巖幽響不離燈。人似

住山僧

髯淵云闕句驚人

秋砧遠。深夜響孤城。凍月一痕分。照影寒風十里。細傳聲樓角。數嚴更。

憶昔

王惟夏

思往事。腸斷舊郵亭。本為情多將做病。却愁病久轉關情。花落

又清明。

硯銘云言情至此真是色飛魂絕

有寄

章臺路。回首憶卿卿。寶屐輕飛雙翡翠。香雲低簇小蜻蜓。嬌語學新鶯。

憶舊

柯寓匏

江南夢。夢繞鳳凰臺。依舊東風尋往事。飛花如雪暗秦淮。歌吹月明來。

硯銘云言外餘音淒淒欲絕

憶

周壽王

遙相憶。殘淚濕輕紗。斜倚畫樓簾半捲。東風微雨落楊花。腸斷七香車。

春思

胡幼倩

人何處。人在浣香亭。竹影倒籠雙鬢綠。苔痕細蹴半弓青。應是步搖輕。

晚步

袁嶽咸

新雨過。遠綠泛晴霞。花底春烟迷蛺蝶。柳梢殘日帶歸鴉。春思

在盧家

本意

顧孝持

江南好。春色雨花臺。一帶寒江環雉堞。千年殘月照秦淮。天際碧雲開。

卽事

錢武侯

江南好。冷月浸長空。烏鵲驚枝飛有影。杏花泣露靜無風。隣院

小窓紅。

硯銘云武侯意氣豪邁舉止疎畧而杼毫揆藻輒復婉折盡致所著詩餘動以千計卽本調亦多至五十

餘闕不能悉載聊登一二以誌雅宗

悼妓

王顥士

江南月。黯澹自今年。一片曉雲遮不住。照人無寐落天邊。何日

更重圓。

硯銘云聲淚俱下

建業

計廉伯

臺城柳。依舊鎖春風。馬去綠莎迷晉渡。燕來芳草沒吳宮。山寺

夕陽紅。

髯淵云對此蒞蒞百端交集

惜別

田髯淵

愁脉脉。盃酒駐離程。分袂燈前人影背。翻成羞澀似無情。珍重

兩三聲。

硯銘云寫別意神到得未曾有

漁歌子

一名漁父

本意

曹允大

雨破萍痕。趁曉烟。風翻柳影蔽漁船。春酒熟。錦鱗鮮。喚起羣雛

爛熳眠。

題畫

陳古公

清晝良宵怨百尋。無端幽思暗關心。情欲寄。自沉吟。兀坐桐陰碧淺深。

搗練子

晚行

周文夏

雲澹澹。草萋萋。古道長林日已西。點點飛紅成陣去。春山欲暮。乳鴉啼。
鬢淵云情在景中

冬暮曉行

曹子顧

風欲靜。凍交加。冰噉霜痕閣岸斜。流水無聲波不起。冷烟微月。

寫輕霞

硯銘云創語奇險却復穩貼

春閨

黃初子

烟縷縷。月溶溶。一樹桃花半欲紅。有夢不知郎去處。窓前獨問。捲簾風。

冬夜

敖山來

風浙瀝。影徘徊。雪壓簷花冷玉堆。半夜香消蓮漏永。可憐寒瘦。到疎梅。

憶別

周鷹垂

憐別後。數歸期。腸斷無因更得知。獨有夜來樓畔月。照人長是。倚闌時。
鬢淵云寫出無聊情緒

春感

田髯淵

花似繡月如銀。花月年年夜送春。杜宇催歸歸未了。海棠依舊

夢中人。硯銘云輒喚奈何

夜景

張硯銘

香乍燼。漏將殘。疎影重重入畫闌。清夜夢回花氣冷。小樓月滿

鴈聲寒。髯淵云此中情味能領畧者正少

赤棗子

憶舊

鄒訥士

紅窈窕。綠參差。小鬟調笑綰青絲。花醉錦屏香雨濕。畫船歸去

紫簫遲。

瀟湘神

俞少卿云以上諸體俱相似實不同宜細辨之

青溪女郎祠

鄒訥士

青女祠。青女祠。苔碧寒簾聚野狸。蛤鼓蘆笙歸去後。小姑白月

夜題詩。硯銘云似曲似謠可當古樂府讀

天淨沙

掬水月在手和升菴韻

宋河宗

蟾光搖漾春波。樓前倒瀉銀河。臨水嬌羞無那。恁拈月破。不完

天上嫦娥。硯銘云河宗天才雲誼古道照人所著綺言最富惜早赴玉樓遺稿散佚不復可得茲集所登止名

刻選載及垣幃間蠹餘耳人葉俱亡可勝浩歎

南鄉子 第二體

城南

米紫來

草繡干堤東南日出照相思流水平橋寒似玉桃花曲兩兩春禽時對浴

歸航

孫衣月

雨濕花枝芙蓉香惹釣魚絲寒浸薄襟眠未得頻研墨倩鴈先傳秋信息鬢淵云澹遠

卽事

田鬢淵

花濕鶯唇小風壓麥浪鱗鱗西去青青官柳路扁朱戶一任啼紅催日暮硯銘云閒情冶景耐人尋味

字字雙

閨憶

張硯銘

歸期暗數猜復猜春去秋回乖復乖閒窓靜夜開復開床前明月來復來蒼水云樂府遺音哀情沉婉

南鄉子 第三體

夏詞

王貽上

菱刺綠藕花香小姑相喚出橫塘隔浦少年私致語忘歸去日暮水寒飛屬玉叶

賦艷

鄒訏士

衣繡鳳枕盤龍妾身能自造春風濕夢離披香雨鬧燈前照絳縷添絲和影笑貽上云和影笑比張泌思夢笑更新警

閨情

金天石

攬翠袖。解明璫。紫羅幃。滿鬱金香。玉腕枕郎春睡美。蘭窓裏。新月一鈞天似水。

鬢淵云妖艷妮人

清明

徐麗冲

風剪剪。雨微微。鷓鴣啼處草烟低。只有垂楊春未老。芳塵杳。依舊輕綿吹古道。

硯銘云鳥啼花落無限傷心

法駕道引

送春

曹次典

春歸早。春歸早。芳草正蒙茸。盡閣日長紅。雨細倚窓風暖綠。陰濃春去小庭空。

本意

范武功

春可。可。月珊珊。輕陰遮繡幙。酥汗濕紅欄。窻夜半。梨花影舊。夢依稀。隔萬山。

本意

史繩遠

芳草嫩。柳烟輕。風清塵不捲。沙淨水長明。踏青士女風流甚。處處梅花香裏行。

閨情

周冰持

花淡淡。柳毵毵。蟾痕樓上白。螺點樹中藍。隔牆聽罷鶯笙曲。挑得紅篝瘦影尖。

硯銘云寫出無聊情况

一葉落

本意

一葉落霞衣薄。學描鴈字。勾欄角。秋從心上生。夜來夢中約。夢中約。風響花鈴索。

莫丹陳

前題

周紫瑤

一葉落。風吹幕。枝頭驚起。巡花雀。蟲雕綠字。鬆蛛縈翠。絲弱翠。絲弱。斜骨真珠箔。
硯銘云昌谷佳句當以古錦囊貯之

玉連環影

雨

成容若

何處幾葉瀟瀟。雨濕盡檐花。花底人無語。掩屏山。玉爐寒。誰見兩眉愁聚。倚闌干。

擬古

錢葆勳

乘驕去。乘驕去。閒訪智瓊家。誤賭驍壺天。一笑不知流電掣。金蛇衫。裊六銖斜。

又

天雞唱。天雞唱。榆桂曉。隴臆寂寂。瓊樓寒未啓。沈郎新。鬢翠微。

宮鳳睡紫烟中

硯銘云絕似赤城韓夫人作

送元上人歸天台

吳伯憇

精舍啓。精舍啓。金碧萬山中。溪月斜飛。山殿白天花。輕點石床紅。相送入龍宮。

別內子之新安

陸蓋忠

揚帆去。揚帆去。明日過嚴灘。回首落霞紅樹外。玉人間。倚玉闌。千秋冷。莫衣單。

江南春

憶別

蔣大鴻

京口樹。海門霞。孤舟春水濶。殘月鴈行斜。江南塞北人。千里愁對寒雲起。暮笳。

鬢淵云舊有杜陵支機一集為友人假去今就所記憶者拈出一二其自序所云仲宣之

哀文通之恨可想見也

本意

胡蕃錫

釵。躡躡。鬢。鬆。鬆。衫。輕。裁。茵。替。肌。膩。沁。芙。蓉。江。南。春。夜。閒。無。事。細。剔。燈。花。金。穗。紅。

憶王孫

一名憶君王

又豆葉黃

欄杆萬里心

春閨

董玉虬

空庭芳草憶王孫。高院梅花早閉門。欲報私書帶淚痕。正消魂。春風春雨又黃昏。

硯銘云斷送一生憔悴同此悽惋

閨憶

李湘北

妬春良夜愛春朝。花外紅樓捲絳綃。極目香塵舊板橋。路遙遙。不見歸鞍見柳條。

鬢淵云言外深情涵泳不盡

山居

馮訥生

南峯拖雨北峯晴。雲際清秋捲葉聲。獨客蕭條倚戶聽。瀑泉明。孤鶴盤盤照影橫。

硯銘云飄飄有凌雲之姿

懷家端臣

周渭揚

颼颼風捲荻花秋。鴻鴈南飛度小樓。尺素遙傳薊北愁。漫疑眸心逐交河出塞流。
鬢淵云離亭葉落之篇不堪多讀

春夜

錢蔚宗

金猊香冷燭花紅。重整春山黛色濃。一捻宮腰倚綺櫳。月朦朧。貪看飛花嫁晚風。

夏景

曹子顧

粉牆如月透疎篁。冰簟筠簾風味涼。葉底吟蟬清晝長。浴鴛鴦。驚起荷花隔岸香。

春閨

田髡淵

桃腮柳眼媚春晴。無限風光宛轉輕。花裏紅樓花外鶯。一聲聲吹入空閨。不耐聽。
硯銘云可與打起黃鶯較叅

蕃女怨

一名番女怨

五更愁

陳其年

榕亭一夜殘燈警。霜濃蟲省五更風。十年事無形無影。梅花窸窣。人聽半池水。
硯銘云如此言愁真是繪風手

調笑令

第一體 官中調笑

名轉應曲

又古調笑

三臺令

雨中晚歸再別文虎

孫執升

秋暮秋暮衰柳寒潮古渡晚風許我船歸細雨蘆花鴈飛飛鴈飛鴈江上琵琶聲斷

閨思

沈秬承

翡翠翡翠夜宿雕梁成對更闌月上西廊青樓小女罷粧粧罷
粧罷眉黛不教重畫

秋

周越石

秋月秋月影浸碧潭澄澈數聲畫角城邊吹落霜華曉天天曉
天曉一夜蘆花俱老

閨情

錢武侯

微雨微雨含淚海棠無語開簾不見江城十里長堤草青青草
青草一任東風吹老

鬢淵云東風受怨却奈何人

擬王建

馮訥生

瑤瑟瑤瑟纖手清音徐出篆烟寶鴨香温月上花梢閉門門閉
門閉牕影垂楊枝細

憶別

田鬢淵

人去人去惟見遊絲飛絮繡幃香冷誰憐漏斷清宵未眠眠未
眠未窓外落花風細

硯銘云此時此夜難為情

訴衷情 第一體

夏夜

周文夏

簾冷芙蓉香霧細月初浮燈欲盡烟外隱層樓翠羽壓金鈎幽
幽暮山相對愁幾時休

如夢令

一名宴桃源 又憶仙姿 比梅

虎阜幼作

宋尚木

古寺夕陽紅瘦斜檻碧波吹皺畫舫繫橫塘多半月明時候拖
逗拖逗石上管絃依舊鬚淵云對景徘徊想
見當年歌舞之樂

和湘真詞

宋子建

為是蓮舟風送茵茵香生衣縫行到錦帆涇月照吳江烟動如
夢如夢畏聽子規啼重

前題

宋轅文

昨夜景陽鐘動雙井碧苔烟重啼盡白門烏依舊秦淮月湧如
夢如夢總被一江湖送視銘云不
堪回首

玉殿雪消春動太液波生雲弄朝雨潤宮花綠映珠簾画棟如

夢如夢柳絮夕陽風送

山樓暮望

周文夏

風送落紅成路又見鳴鳩拖雨睡起小寒清試取沉烟再炷春
暮春暮垂柳夕陽喧渡

和李清照詞

王貽上

簾額落花風驟春思慵如中酒久待不歸來解識相思如舊堪
否堪否坐盡寶鑪香瘦視銘云瘦字
押得新秀

和舊

計子山

長樂晨鐘初動睡熟紫綃嬌鳳翠輦一時移十騎紅妝雲擁如
夢如夢城上烏啼相送鬚淵云恹恹離
合詞家三昧

前題

子夜玉壺聲動。一段彩雲愁重。銀燭透簾櫳。着意雙眸相送。如夢如夢。銅雀五更霜重。

錢子璧

吳江旅泊

周丙仲

潮落岸頭難駐。移泊江心深處。夢破曉山青。失却夜來沙墅。前去。前去。風急鴈行無序。
硯銘云想亦有所寄慨

秋思

毛穉賓

楊柳枝頭疎雨。又是蘆花飛絮。白露下庭除。冷透畫梁深處。愁緒。愁緒。燕子啣將歸去。

惜別

董蒼水

別後廉纖微雨。金鴨水沉一炷。臨別苦丁寧。攜手畫欄深處。人

去人去。長日滿庭飛絮。

硯銘云閒處着情風致婉約

離情

宋玉叔

別後雲鬟慵整。蛛網蟬囊金鏡。羅襪步空階。幾曲雕闌獨凭。花影。花影。滿地月明清冷。
鬚淵云不減李清照

夏詞

馮訥生

雨洗高花光動。水殿清涼風送。端坐理瑤琴。繡帶垂垂雙鳳。烟重。烟重。蝶睡蓮房香夢。

夢後

董子康

枝上啼鶉如訴。喚起離愁無數。曲徑古雲深。隔斷夢中來路。回

清江不語
顧回顧月約花陰西度
硯銘云約字出新

代紀
錢紫曜

昨夜玉勾仙洞。粲桃桃笙同夢。壓臂羽釵痕印。出一枝飛鳳相送。相送。花底露濃珍重。

閨情
張硯銘

妝罷暗憐青鬢。桂水蘭膏香潤。經月不窺簾。簾外幾番花信。休問。休問。風浣一枝紅褪。

本意

一縷癡情猶在。難把夢。竟禁。戒。月暗古遼陽。夜度黃榆紫塞。無奈。無奈。烟海茫茫天外。
鬚淵云深情與筆恍忽如在夢鄉

甘州子

咏草
錢越江

王孫一去寂無踪。和烟碧影連空。幾番微雨又微風。南陌總朦朧。荒亭古長伴。落花紅。

春雨
田鬚淵

濃雲漠漠鎖江城。寒食路少人行。海棠含淚聽無聲。花外濕雛鶯。湘簾捲無語。坐調箏。
硯銘云只寫雨况而淒涼之意如見

天仙子
平仄二體 一名萬斯年曲

閨思
成容若

夢裏蘼蕪青一剪。玉郎經歲音書遠。暗鐘明月不歸來。梁上燕。

生羅扇輕風落盡桃花片

鬢淵云雅雋絕倫

風流子 第一體 一名內家嬌

久別

董文友

已是別時惆悵。更是而今恹恍。空寄語未逢歡。愁被春風吹長。自憐一樣。眼角眉梢心上。
鬢淵云打疊一塊有承蜩弄丸之巧

歸自謠 一名歸國遙

憶別

張止鑒

更漏歇。一夜珠簾風自揭。寒鴉影碎梧桐月。玉關征戍音塵絕。當年別江南。鶯語花時節。
硯銘云深於寄情工於琢句

秋夜

柯素培

秋樹下。月耿林椒。觀奕罷。柳烟深處。魚曾掛。晚波蘸碧層層。瀉無人。盡板橋一線。溪痕跨。

題情

張硯銘

殘月白。月下行人衣一色。金鞭玉勒垂楊陌。重簾未捲。重樓寂。空相憶。分明有夢巫山隔。
子山云是多情却被無情惱註脚

望江怨

秋閨

呂吉士

秋閨悄。玉軫虛彈香半裊。月到西窓了。銀河一線。梧桐杪。窺渺渺。料得未天明。且自和衣倒。

山僧

毛公阮

披荆棘。遇一山僧。如怪石。衲被懸蘆荻。稜稜瘦骨。清過墨。操藤立。忽問客何來。聲寒花落。笛鬚淵云

江城子 第一體 一名江神子峭拔

無題

沈函祈

藕花初起。半江風。對南鴻。綠波中。夕陽回首。人在越山東。千里相思。吹不斷。羌管落。戍樓空。

春閨

范武功

蝶飛欵欵。隔窓紗。鬪新茶。理琵琶。空庭草細。杜宇泣梨花。一點春心。無處着。人意嬾。悞年華。
硯銘云武功擅長詩。圖有右丞之日詞。復規摹溫韋。咄咄逼人。

思帝鄉

游遇

徐麗冲

休休蘆花吹滿洲。搖蕩輕綿。墮水向誰留。綠樹樓高。靜悄纖纖。整玉鈎。遙憶愁蛾。宛轉理篋篋。

長相思

秋風

宋轅文

月微微。露霏霏。陣陣西來無了期。秋心君自知。一更時。五更時。玉人低問。幾重衣。夜寒爭耐吹。
詩士云低鬟私語如聞其聲

用伊字彷彿歌意也

短相思。乍分離。刻下重來。已是遲休。教人再催。長相思。無了

期綠鬢朱顏能幾時。今生交付伊。
單相思。轉自疑。仔細看他全不知。芳心說與誰。
兩相思。兩處悲。一樣啼痕。一樣眉。何曾辜負伊。

來相思。未有期。今日真來不筭遲。擡頭問鵲兒。
去相思。不及隨便做鴛鴦。也要飛去時。無奈伊。

坐相思。凭几時。劈面人來竟不知。沉吟欲起遲。
行相思。東復西。宛轉花蹊。有影隨。回頭錯認伊。
硯銘云入情沉摯選言
鏡刻又是中丞變調

秋風

李舒章

楓葉飛。柳葉飛。飛向空。闌無盡時。搖搖千里思。
西風吹。北風吹。吹入君衣。知不知。香帷薄暮垂。

本意

馮訥生

送行人。憶行人。不信嬋娟誤此身。垂楊春又春。
惜芳晨。對芳晨。金縷衣間寶鏡塵。長眉顰復顰。

贈友

宋尚木

燭滿船。風滿船。珍重黃昏小比肩。為郎愁幾年。
莫留連。且留連。連繡被。籠香未忍眠。思君春水邊。
鬢淵云與可憐隔
秋水是同是異

荻谿農家

曹子顧

朝來晴。晚來晴。罩屋桑陰分外清。短簷鳩婦聲。
風須耕。雨須耕。耕新織。簑衣掩。鼾輕竹枝歌。太平。

邸懷

龔孝升

似多情似無情。玉艷心情是怎生。春衫記不。長歌行。短歌行。多少柔腸。攔撥成流鶯。只一聲。
硯銘云懸鏡鏤塵精工入化

本意

計子山

柳烟輕。草痕平。只聽行人玉笛聲。花飛滿。敬亭山。青青水盈。盈無限。江南夢不成。一簾風雨橫。

山驛

董蒼水

山鳥啼。水鳥啼。水濶山青路欲迷。愁他雙槳遲。酒醒時。夢醒時。花又無。聊月又低。莫教羌管吹。
鬚淵云無聊着花上說新特

遊鶴林寺

潘芝雪

草芊芊。竹娟娟。黃鶴山前問杜鵑。寒林散綠烟。景凄然。思悠

然。雙樹垂垂。古道邊。行人拜米顛。
寺中有唐杜鵑樓遺跡元章墓在寺前上有海桐二株

春宮雨暮

王彙升

梨花幽。李花幽。暮雨廉纖鎖翠樓。景陽鐘未收。人影流。月影流。風捲珠簾入。夜愁。凄清垂玉鈎。

春日村居

戈長鳴

祝春晴。踏春晴。縫剪春衫件件輕。新紅罵蚤鶯。曉山青。晚山青。蝶翅拖香過。短檝花時懶入城。
鬚淵云咏物神品

相見懽。一名上西樓。又烏夜啼一體。秋夜月。憶真娘。月上瓜洲。

春晴

魏子存

是誰漏洩春光。柳條黃。亂落榆錢無數。買愁長。人千里。思兩

地○淚○成○行○燕○燕○鶯○鶯○故○故○惱○人○腸○

硯銘云巧不傷雅

聞鴈

沈佺承

玉○關○秋○信○無○憑○鴈○南○征○今○夜○月○明○千○里○望○鄉○亭○
心○如○醉○空○流○
淚○倚○銀○屏○何○處○砧○聲○不○斷○到○三○更○

河滿子

偶憶

金天石

憶○在○玉○窓○金○戶○如○銀○曉○月○西○斜○城○角○數○聲○留○不○住○暗○香○攜○得○還○
家○梁○上○雙○棲○燕○子○庭○中○一○樹○梨○花○

寂○寞○春○殘○深○院○東○風○一○片○花○飛○多○少○佳○期○渾○負○却○画○簾○見○面○還○
稀○願○作○一○雙○蝴○蝶○憑○伊○繡○在○羅○衣○
硯銘云神韻極似花間

訴衷情 第二體

反顧夔詞意

張次璧

不○索○伊○來○單○等○信○也○沉○沉○重○繡○裏○枕○上○曉○霜○侵○空○寄○白○頭○吟○悔○
而○今○換○你○心○為○我○心○始○知○薄○倖○深○
鬚淵云翻案刻入各極其妙

調笑令 第二體

賦湘君

錢武侯

澹○澹○烟○波○湘○水○清○錦○鴛○白○鷺○共○飛○鳴○杳○靄○晴○峯○朝○暮○碧○月○明○
彷彿見湘靈○千○古○荒○祠○森○竹○色○修○竹○斑○斑○餘○淚○跡○雲○旆○縹○緲○
去○無○踪○仙○樂○凌○空○聞○鼓○瑟○

鼓○瑟○烟○波○寂○杳○靄○晴○峯○朝○暮○碧○月○明○仿○佛○湘○君○跡○千○古○荒○祠○竹○

色雲駢縹緲人難覓。樂奏清風淅淅。

視銘云此體始於少游。澤民卓珂月云前數語

卽元人賓白所自始武侯咏古凡百餘闕仙姝麗媛搜羅殆遍每諷一過目眩神迷惜不能盡載也

醉太平 一名凌波曲

早朝

魯謙庵

宮雲尚低。宮鴉早啼。玉宸催按班齊。正傳呼紫微。天香御衣。

思波御題。捧來先下綸扉。只金莖露稀。

感恩多

桐葉

沈鶴山

有情誰共語。蕩漾隨風去。一葉是良媒。莫徘徊。寄相思。飛何

處。傷粧臺。傷粧臺。一片春心託秋風送來。

一卷終

清平初選後集

卷二

西村張淵懿視銘選定

簣山田茂遇髯淵同評

嘉善曹爾堪子顧參閱

小令二

生查子 第一體

秋夜

李舒章

風動碧琅玕。翠戶生寒淺。斗帳宿鴛鴦。繡被雙鸞偃。獨自擁

雲鬟。不覺銀燈暗。明月下梧桐。玉漏遲金剪。

髯淵云風韻氣骨俱占第一流

吹簫

趙清止

清平初選後集 卷二 小令

清平初選 卷二
雕欄百尺懸。玉樹微風起。深夜紫簫聲。壁月涼如洗。悠揚峽路猿。嗚咽清溪水。餘響逐行雲。亂落秋空裏。

遊春

宋尚木

深院惜餘春。時聽黃鸝語。綠柳亂垂條。疑是朝雲暮。紫陌和銀塘。不解相逢苦。一樣步香塵。背面春山嫵。

秋閨

依約晚晴天。秋色都如許。玉指數寒鴉。數了還重數。寂寞倚危欄。有恨和誰語。孤鴈向南飛。却道衡陽去。

硯銘云詞家正始

閨怨

錢上子

郎如楊白花。風捲東西落。化作水中萍。南北隨飄泊。妾如堦

下泥。步步隨郎足。燕子恰啣來。終歲依簾幙。

閨意

成容若

東風不解愁。偷展湘紋袂。獨夜背紗籠。影着纖腰畫。燕盡水沉烟。露滴鴛鴦瓦。花骨冷宜香。小立東風下。

春思

王季友

青郊白玉驄。碧草嬌春色。何處冶遊來。兩兩黃金陌。煙柳鳳城深。雨後鶯如織。獨有倚樓人。徒倚朱簾側。

別意

錢葆勳

三年彈指間。孤負登牆眼。不是絮沾泥。生怕絲抽繭。緘來決絕時。補過郎應晚。趁小摘青梅。心裡人休見。

春思

風剪柳絲長。雨潤苔錢小。殘月落高樓。一點春光曉。昨夜翠蛾愁。今日來何早。聞說海棠花。片片沾芳草。

賀天士

古意

秋高紫塞風。陣陣衝蘆雁。盼斷別時音。塵暗書難見。昨歲灞橋頭。折柳看如線。又是玉關春。絮捲天涯遠。

吳漢槎

此從吳祭酒處得之

山中

山客殊未眠。靜倚秋亭暮。蟋蟀入床頭。池照移庭樹。捲幔註逍遙。石鼎烟初炷。玉露剪桐花。化作空階雨。

丁飛濤

閨意

東風不解愁。偷展湘紋袂。獨夜背紗籠。影着纖腰畫。熱盡水沉烟。露滴鴛鴦瓦。花骨冷宜香。小立東風下。

成容若

春思

青郊白玉驄。碧草嬌春色。何處冶遊來。兩兩黃金陌。煙柳鳳城深。雨後鶯如織。獨有倚樓人。徙倚朱簾側。

王季友

別意

三年彈指間。孤負登牆眼。不是絮沾泥。生怕絲抽繭。緘來決絕時。補過即應晚。趁小摘青梅。心裡人休見。

錢葆芬

春思

賀天士

風剪柳絲長。雨潤苔錢小。殘月落高樓。一點春光曉。昨夜翠蛾愁。今日來何早。聞說海棠花。片片沾芳草。

古意

吳漢槎

秋高紫塞風。陣陣衝蘆雁。盼斷別時音。塵暗書難見。昨歲灞橋頭。折柳看如線。又是玉關春。絮捲天涯遠。

田髯淵云漢槎詞多擅場之作

此從吳祭酒處得之

山中

丁飛濤

山客殊未眠。靜倚秋亭暮。蟋蟀入床頭。池照移庭樹。捲幔註逍遙。石鼎烟初炷。玉露剪桐花。化作空階雨。

硯銘云扶荔詞郵寄頗遲以不

得多登為憾

前題

董文友

儂心何事惱。姐姐欺儂小。偷看合歡書。憎儂問起居。好從花下避。怕見書中字。匿笑不回頭。回頭替姐羞。

硯銘云寫盡點慧本色

柳枝 第二體 一名太平時 又賀聖朝影

顰美人

吳二公

小玉粧成新。破瓜髻堆鴉。嬌羞雙頰淚。生花暈朝霞。明知不是檀郎錯。惱相加。低蹙眉山。面向斜。越憐他。

昭君怨 一名一痕沙 又宴西園 又洛妃怨

閨思

錢爾先

曾記曲欄深處。縹緲眼波流注。柳外笑吟聲。打流鶯。月下梨

香暗散。雪後蘭芽方綻。更欲比妍華。雨餘花

鬢淵云足句全不費力

賦牡丹和劉後村韻

龔孝升

依舊紅箋綠譜。褪下春風一步。國色便欺花也。憐他。小雨雕
欄曲圃。後夜冰蟾銀兔。花底唱梁州。疊成愁。

夜思

沈友夔

花影半窓明滅。一臂濕雲重疊。夢醒細商量。口脂香。平曉月
斜窓外。昨夜餘香猶在。何處最堪憐。繡鞋尖。

題魏子一畫

曹子顧

日暮畫船疎雨。圖取春陰如縷。烟鎖六朝堤。柳痕低。一筆江
村微抹。遙望胭脂欲淡。屋角有桃花。是誰家。

本意

徐麗冲

馬上畫眉深淺。何處嬌迎翠輦。夢斷逐梨花。弄琵琶。今夜玉
關明月。猶照漢家宮闕。記得折殘紅。上林中。

鬢淵云婉麗有體

送春

周應垂

楊柳綠搖烟雨。一霎顛狂風絮。春已不勝愁。又春休。早是東
君無主。那更思量留住。留則怎生留。意悠悠。

前題

田鬢淵

花外晴絲輕颺。紫燕雙飛梁上。桃李逐東風。襯堦紅。啼鳥落
花春去。欲挽東君難住。無語立粧樓。上簾鉤。

春光好

一名鶴冲天 又愁倚欄令

妝罷

雲影薄。月痕輕。曉妝成。剛喜春風吹送賣花聲。捲瑤階。羅襪微行。坐愛小庭新綠覆。聽流鶯。

錢紫暉

綺戶珠簾乍

本意

沈幽祈

春光好。小樓晴。畫筵明。簾外海棠花影自相迎。處玉人頭上。風輕。笑倚新粧尋阿母。眼潮生。

燕子雙飛何

硯銘云新倩奪唐人之席

生查子

第二體

春閨

張友鴻

愁生芳草烟。不共飛花掃。雛身試春嬌。睡起添煩惱。粧已成。香未了。簾捲晴光好。一望柳條新。遮住斜陽道。

女冠子

第一體

春日

陳善百

相思獨自。不及雙雙燕子。鎮相憐。花影勤催日。爐香嬾續烟。夢中空有憶。鏡裏更無言。任他飛燕子。不開簾。

本意

馮訥生

硯銘云琢句匠心

塵情盡遣。拋去金釵翠鈿。盼清都。雪梳飛龍藥。花冠神虎符。織腰霓舞怯。小膽石壇孤。忽憶前宵夢。立踟躕。

秋日述懷

曹子顧

澹烟濃水。正值江南秋美。力田嘉。小巷晴收糯。山厨晚煮瓜。鵝黃家醞酒。猩赤手栽花。一雨重陽近。覺寒些。

玉蝴蝶 第一體

秋詞

沈幽祜

越羅初試新涼。小院菊花香。塞鴈一聲飛。江天暮雨黃。玉鈎斜繡幔。金釧背蘭缸。夜色近重陽。銀河秋水長。

醉花間

曉別

張硯銘

期無寐。竟無寐。無寐籠香被。更盡悄然驚。儂淚和郎淚。殘星飛馬響。露冷金釵墜。寶篋繭春蠶。早識相思謎。催郎去。忍郎去。郎去天方曙。衣薄不禁寒。落月垂楊樹。丁寧無意緒。也有丁寧句。輕手落金鞭。回望還延佇。
鬢淵云情景雙至

點絳脣

一名南浦月

又沙頭雨

點櫻桃

閨詞

宋尚木

紅褪梅梢。半聲玉笛聲吹斷。幾多幽怨。花影還零亂。烟裊香奩脉脉。停針線。誰曾見。倚欄人倦。冷落珠簾捲。
鬢淵云妍思刻入

前題

宋轅文

雨雨風風。輕寒半入紗窓裏。薰籠斜倚。不捲鴛鴦被。碧玉階前無復閒。桃李隨春水。一江湖起。已是飄千里。

夏日村墅

曹子顧

長晝方炎。畫梁歸喘。尋泥燕。枯樺聲斷。露稻幽香遍。倚樹當風。欲比閒雲倦。蘋花院。小池波淺。綠上窓紗半。

風。冷。北。冬。景。小。燕。剪。春。冰。小。燕。剪。春。冰。半。
張止鑒

雪壓紅樓樹。衝鵲羽。冰花斷關山。如換。失却垂楊岸。暖炙銀
笙。纖指嬌難按。珠簾半。霓裳皓腕。一色光相亂。
硯銘云大為
六花生色

題畫
計勗丹

門枕長江。半床詩卷。千山雨。客雲來去。兩岸模糊樹。峭壁騰
空。目斷天涯路。歸潮怒吞吳。激楚隱隱蛟龍舞。
髯淵云寸楮
擅江山之勝

夜宿溪邊
陸聲子

月逗柴門。半篙水滑。漁簑綠。籬疎徑曲。帶雨移新菊。蘋蓼灣
深。楓葉橋邊屋。挑燈讀隣家。醞熟客到常留宿。
宋尚木

晚粧
董閔石

燕語鶯啼。困人天氣。當初夏。斜陽西掛。樓上閒粧罷。漸漸黃
昏。露冷鴛鴦瓦。銀蟾瀉。花陰柳下。笑撚冰綃帕。

簡陸元見徵士
宋玉叔

牧豎樵兒。斧斤漸逼。篔簹谷。梅花有福。逃入幽人屋。甫里先
生。邀我供茶粥。頻來熟。丹經同讀。牀下眠麋鹿。
髯淵云超
然塵表

消閒
董文友

無可消閒。不愁怎得。光陰過。綠窓賸和。佯說愁城大。強約愁
來。愁也來何暮。曾經麼。和衣獨臥。今夜愁真個。
硯銘云滑
稽之雄

感懷
王顯士

風送行舟。片帆斜入江天暮。亂雲古樹。依舊來時路。回首金

焦不斷傷心處。愁無語。一般歸去強作悲秋句。

東風

錢紫曜

餞臘。拔春也。曾吹綻江梅萼。時過柳幕綠。遍黃金索。幾日韶光。今夜偏輕薄。來飄著。亂紅零落。不許春擔閣。

秋怨

儲觀大

離寒初到。傷秋無賴。誰知道。倚窓人杳。一枕捱新曉。莫聽琵琶。心上流鶯繞。離情。滿潯陽江草。悔見來時好。

夏閨

張硯銘

記否。荷花去年人醉。紅香底。今年花裏藕。斷蓮空矣。暮雨朝烟。憔悴慵梳洗。閒牕啓。小橋流水。日蘸垂楊尾。
鬢淵云 雅秀

浣溪紗

一名浣紗溪 又山花子

春盡

錢爾先

春盡園林褪。開紅陰陰。靜綠意從容。鬚眉俱碧。住山翁。花捲半堦通。綺榭柳開。一面出雕籠。管人間事是東風。
鬢淵云 如畫

閨情

錢爾斐

睡損眉黃澹。未添鳳屏。殘麝逗花尖。下階幽夢。背人占。柳束狂鶯。頻欲斷竹。妨歸燕。戲相黏。斜風細雨。隔疎簾。

卽事

宋尚木

百尺清潭寫翠娥。驚風蛟蝶戲春波。祇難歸去為情多。湘竹簾邊貪問信。相思樹下可鳴珂。一生憔悴恨經過。

閨詞

小院沉沉春未央。大堤垂柳復垂楊。折來金線幾多長。半捲
畫簾招乳燕。戲燒銅鴨試沉香。閒尋難字問檀郎。
硯銘云柔
情旖旎

閨情

于韜仲

一片心情眼底柔。倦容疎態越風流。未經惆悵不知愁。鴛譜
怪來針線減工夫。強半為梳頭。日西初見下粧樓。
硯銘云一
團嬌懶

傷春

張次璧

第一傷春未慣經。苦償磨折悔多情。佳期難道等來生。月借
鏡光留枕畔。風篩花影打窓櫺。今宵冤夢費調停。

秋閨

趙清止

屈膝雲屏護晚涼。階前青女欲驚霜。西風吹砌墜桐篁。繡榻
龍鬚幃。蒜靜玉盤佛手枕。函香夜長囑夢到伊行。
鬚淵云金
荃雅製

咏五更

李舒章

歷盡長宵夢不成。欲明人自怕天明。蘭燈初滅小銀屏。露染
花枝常滴滴。香寒繡被更清清。早知新恨又重生。

前題

宋轅文

玉漏聲殘人不眠。已闌長夜未明天。微風入被冷紅綿。落月
漸低花影沒。啼鳥初散角聲連。舊時雙夢在誰邊。

微雨

樓外輕烟著樹高。絲絲點點帶風飄。鴛鴦浦口上秋潮。殘夢

清平不遺 卷二
覺來如未覺。輕。竟。銷。盡。又。重。銷。廉。纖。不。斷。到。明。朝。

視銘云索解不得

憶舊

徹夜清霜透玉臺。夕香銷盡博山灰。聲聲飛鴈五更催。滿地。西風天欲曉。半簾殘月夢初回。十年消息上心來。

晚景

玉浸寒泉一斛春。蘭幃浴罷晚粧新。瞥來燈下露全身。素面。粉銷纔是月。綠鬟梳直更如雲。藕花香氣藕絲裙。

夢

好夢分明勝是真。脂香和酒透朱唇。芙蓉霜上月生痕。漸把。名花看似霧。忽驚神女化為雲。九華隔斷五更春。

憶秦淮夏景

十里秦淮六月涼。碧波深處捲垂楊。三三兩兩出紅粧。紗帳。霧空花簾滑。葛衣風透玉肌香。雖然如夢也思量。
視銘云不堪追憶

報國寺看落花

如雪如雲兩渺茫。如愁如夢各思量。有人垂淚洗紅粧。燕子。啣來泥有色。蜂兒抱去蜜生香。樹頭樹尾為誰忙。

杜鵑

也在江南樹上棲。漫將口血染春堤。五更夢裏盡情啼。人太。無情君太怨。他還作客我還飛。商量畢竟幾時歸。
鬚淵云如此咏物真

鏤心剔腎之作

曉起

曹子顧

樂事貧家竟不貪。疎風斜雨過城南。單紗消受嫩涼甘。宿硯
頻催童子滌好花。頻與侍兒簪。暗將私語賭宜男。

旅中

錢武子

樓近乎江月。暈微芙蓉香。霧落紅衣秋。潮日日去還歸。白紵
舞殘。蛩語碎。銀箏聲斷。鴈飛稀。天涯咫尺竟何依。

春閨

王貽上

寶馬流蘇上洛津。玉人相見宋家隣。重重屈戌掩殘春。檀暈
乍消星。的淺眉。痕初澹。月稜新。簾衣如縠映橫陳。

和張泌韻

雨後蟲絲罥碧紗。朝來鵲語鬪簷牙。日痕紅曙一欄花。殘夢
未遙猶眷戀。篆烟初裊半天斜。消魂應憶泰娘家。

春思

沈友夔

正是花朝二月天。柳絲風折軟如綿。有人潮暈立花前。節近
踏青風力小。弓彎襯草沒紅尖。杏花零亂撲珠簾。

閨情

王子辰

金井風微響。轆轤桐陰漏。日曉粧初薄。寒猶怯玉肌膚。簾幕
絮縈雙紫燕。盆池花襯小紅魚。晝長耽閣繡工夫。

髯淵云藻艷

夏閨

瓊砌陰濃暑漸收。夢回樓角夕陽幽。晚花香裏上簾鈎。綠墮

鴉鬟金雀隱紅斜寶袜玉膚柔風邊小立只低頭

硯銘云低頭時可想

冬閨

張止鑒

被壓紅綿繡帳垂博山初炷煖相偎香酣好夢到天涯
幾曲畫橋芳草遠杏花樓外夕陽低醒來疑是踏青時
望到中庭半碧苔油欄隱躍牡丹芽西風無力引花開
寶曆再勻粧後粉茜羅新繡睡時鞋書藏紅豆待伊猜

硯銘云冬宵春夢妙

紅橋感舊

陳其年

鳳舸龍船泛畫橈江都天子過紅橋而今追憶也竟銷
繡瓦無聲春脉脉羅裙有夢夜迢迢漫天絲雨咽歸潮

春懷

趙千門

二月輕寒江上知黃昏驛舍雨絲絲燭花人影兩相欹
柳條黛烟千縷散桃霏紅雨一枝垂書長香閣憶當時

夏景

董蒼水

落日涼颺曲檻南紅蕉初展燕呢喃碧厨冰簟酒微酣
茉莉暗藏鏤玉枕葡萄輕染薄羅衫笑偎蓮臉不知慙

硯銘云嬌憨

美人春睡

細雨屏山掩綠苔侍兒私語傍粧臺
瞢騰春醉眼慵開鴛枕暖偎紅粉頰
麝煤香浸繡弓鞋翠幃風動夢初來

羈遊

羈思春情兩不堪嫩寒微雨透征衫
翠堤迢遞路曾諳村寺

日斜山溪。野塘風靜。水接藍斷。腸芳草遍江南。

春感

竹塢烟深禽影偏。溪橋花落浪痕圓。澹雲芳草袂衣天。舊院碧桃人似夢。小窓紅燭夜如年。坐殘銀漏阿誰憐。

閨情

彭駿孫

翠浪生紋點曲池。春深閨閣弄粧遲。弓鞋羅襪踏青時。鵝鬢輕分金縷縷。燕釵低顫玉差差。杏花香雨細如絲。

鬢淵云幽媚絕倫

夜愁

徐麗冲

小院萋萋鎖夕陽。井梧驚雀落銀床。夜深輕捲玉鈎涼。月上梨枝猶睡煖。風吹蓮幙燕音長。不禁花底盡衣香。

芳草

宋玉叔

乍暖猶寒二月天。玉樓長抱博山眠。沉香火冷少人添。殘雪纔消春鳥哢。畫欄杆外草芊芊。幾時青得到郎邊。

硯銘云新倩

偶賦

秦留仙

讀得金經解得愁。梵香清苦佛燈幽。自嫌心性太溫柔。鎮日焚香臨綺閣。肯教結伴下蘭舟。偶然昵我一回眸。

踏遍春城望欲賒。乍離香閣似天涯。畫欄橋畔近郎家。歸去背人私掠鬢。倦來小立也看花。夜闌人影隔窓紗。

鬢淵云韻致天成

冬閨

李赤茂

修竹天寒倚翠娥。鴛鴦霜重鴈聲過。更長無寐倚雲和。桃葉

渡頭頻問信。石尤江上怨風波。人生憔悴是情多。

春閨

金天石

後院烟光春乍晴。金塘野鴨睡縱橫。玉籠鸚鵡語分明。徑滿

山花因雨漬。苔侵履跡少人行。倚欄垂袖沒心情。

鬢淵云作何消遣

曉寒

馮維駟

昨夜微霜碧瓦鋪。添衣睡起倦妝梳。朝來紅暈鏡中無。生受

檀郎烘繡襪。頻呼小婢揆金爐。乍寒時候費工夫。

閨奕

張又李

湘竹簾垂紫燕飛。雛鶯初試縷金衣。新篁搖影綠窓西。長日

繡停無個事。玉枰敲罷獸烟微。碧欄杆外昵斜暉。

閨詞

林武宣

侍女添衣戶半開。月移松影畫莓苔。夜香私語被人猜。乍覺

流螢微有露。不知芳草暗侵鞋。闌干敲遍未回來。

前題

周鷹垂

懶捉瓊梳倚鏡前。一番春病損眉尖。見時阿母不勝憐。多恐

有心爭識得。嬌羞紅透雪腮邊。東風寒峭躡香肩。

鬢淵云楚楚可憐

春情

徐啓遠

聞說溫柔另有鄉。盈盈十五嫁王昌。花時鬪草懶梳粧。青瑣

窓深水魄澹紅綾。被暖雪肌香。一番春夢費思量。

前題

嚴蓀友

綠鳥吳音怨綺籠。小窓人在画屏東。流蘇斗帳繡芙蓉。心字
領頭和恨碧。唾花衣袖雜啼紅。爲誰貪好爲誰慵。
硯銘云字
字香艷

紅橋懷古和阮亭韻

王幼華

幾點漁航映碧流。羣鳧野浦叫清秋。隋家宮闕是揚州。山外
寒烟封舊恨。亭前暮雨滴新愁。何人吹笛酒家樓。

別李壺山

朱彥則

分手旗亭客思侵。後期何日更披襟。魚書鴈信莫沉沉。情緒
不隨蘭棹去。夢竟猶戀酒盃深。瘴江烟月掛離心。

寄內

萬水千山客思侵。來鴻去燕杳無音。夢中幾度費沉吟。襤襪

小雛應長大。高堂白髮暗驚心。人間難寫是愁深。

髯淵云可
與言愁

閨情

孫古隍

六曲屏圍繡幙重。斷霞明滅澹芙蓉。遠山開處夕陽紅。手汗
暖沾心。蕩漾口脂香。近語朦朧月。明人靜画樓中。
硯銘云已
近秘戲圖

前題

徐顯武

斗帳紅珠綵柱圍。玉人斜映畫樓窺。相逢不語眼波回。素月
影搖香藕動。夕陽黃掩鬢雲堆。惱人無計繡簾垂。

閨意

張淇園

小院深深綠草閑。玉樓初起自垂簾。避人聞說是今年。百草
慵邀隣女鬪。繡針却倩養娘拈。一春花落怕人言。
硯銘云嬌
小心情

夏日遊友人別墅

斜日柴扉落絮幽。短橋烟水睡輕鷗。小鶯迎客語墻頭。嫩竹有情遮屋缺。晴雲無意入溪流。也當招隱片時遊。

郊行

王伊人

臘後和風淺。破寒烟籠繡陌。雨初乾。野梅花落散。垂鞞竹裏溪深橋宛轉。沙頭潮上鳥飛還。斜陽寂寞對春閒。

舟中賞蓮贈靜姝女郎

孫執升

荷葉翻風溪影斜。畫船明月載琵琶。綠鬟低映石榴花。記得採蓮時樣曲。醉中無那唱來差。拾將團扇不須遮。

閨情

孫芳崑

月白風尖鴉亂啼。羅衾不煖獨鴛棲。西樓又唱一聲鷄。巫峽人空雲渺渺。江南夢斷草離離。杜鵑何苦盡情悲。

旅懷

張佳木

輕煖輕寒日易斜。半山半水路方賒。春深無影倩誰遮。客舍蕭蕭無好夢。故園日日想開花。去年雙燕已還家。

獨坐

田髯淵

獨坐江亭感歲華。幾行鷓鴣聚圓沙。香風吹過隔溪花。剗地晴烟籠草樹。一天暮景亂雲霞。画簾乍捲綠陰斜。

春景

芳草池塘接畫橋。春衫年少玉驄驕。濛濛垂柳萬千條。南陌

輕塵寒食雨。東風啼鴉。落花朝珠。簾隔處。靜聞簫。

硯銘云澹而幽

閨情

張硯銘

蘭麝慵薰。寶鴨涼。盡屏十二。楚天長。越山巫嶺。隔瀟湘。寒食。

雨輕閒。惹夢落梅風。細暗聞香紅。樓獨坐。儘思量。

鬢淵云一字百思

閨意

剛道檀郎午夢賒。雙垂銀蒜。寶簾遮。小鬟何事。眼迷斜。香氣。

煖。侵羅袂。摺腕痕。新漬繡裙。又惱人。偏說沒。爭差。

鬢淵云咀味不盡

紗窓恨

梁溪卽事

陳其年

紫帆一片。因誰卸。為汪倫。昨宵記得芙蓉扇。箇人人。金荃句。

細和檀屑。紫猊屏。漫啓香唇。拚今生。流落不傷春。

中興樂

閨夜

田鬢淵

鴛鴦枕上。酒初醒。床頭風暖。孤燈被擁。綾紅。鷄催四更。夢到。

花間小亭。見娉婷。月搖玉珮。綠池雙影。一種幽情。

愁倚欄令

比春光好少異

閨憶

田鬢淵

空庭畔。晚風高。碧天遙。月影窺簾。簾乍捲。又今宵。好倩金錢。

暗卜。猛看得。紅蕊光搖。誰道燈花無定。准待明朝。

硯銘云煞無聊賴

酒泉子

第二體

初夏

毛公阮

新竹橫窓。碎影搖人心。上不寒不暖。近端陽。晝初長。倦來無用。點梅湯。酸夢不堪重想。此此閒恨。使人忙。懶梳粧。

菩薩蠻

閨詞

吳駿公

謝家池館。桐花甃。畫屏曲屈。翹紅袖。欲剪鳳凰衫。青蟲搖羽簪。一枝雙荳蔻。淺立東風瘦。春思遠於山。眉痕几幾彎。

春曉閨詞

宋尚木

楚天杳杳。春鶯早。薰篝獸炭香紅小。不信玉為人。冰肌翠被親。鏡臺圓與缺。猶照幽房月。簾幙透微風。輕吹殘夢中。

渡江

廿年楊子江。心路回首蒼茫。隔烟霧。吳楚各東西。金焦耐別離。

離愁難繫着。水底千尋索。鷗鷺兩悠悠。春波日夜愁。

硯銘云雖

寫長江萬里圖安得如許盡致

春病

宋轅文

燈煤閃爍窓紗動。疎鐘隱隱銷殘夢。梅影度金屏。春生病也生。空樓人未語。聽得空池雨。雨積落紅沉。春深病也深。

不寐

風風雨雨相催急。荒鷄啼斷人消息。夢去落誰邊。夢回知獨眠。熒熒燈影綠。欲斷光還續。愁殺不天明。天明愁又生。

塞上秋望

馮訥生

龍沙落日山銜水。登臺悵望寒雲裏。獵騎返城西。秋風大將旗。飛蓬迷鳥路。白鴈哀鳴去。古塞易黃昏。孤城早閉門。

鬚淵云訥

生驚才絕藻無擬弗工卽此雄情亮節如聞清角之奏

閨情

趙清止

獸香不斷紅茵暖。繡筐綵線香中展。銀尺隔窓聲。鶯啼小院晴。吳紈輕似雪。玉手還同縈。何處最宜時。沉吟落剪遲。

別恨

董蒼水

芳塘弱柳波紋碧。畫樓香雨花光濕。夢斷曉鐘殘。床堆繡被閒。漫將沉水爇。心似丁香結。嚙指暗尋思。相逢定幾時。

初夏

成容若

澹花瘦玉輕妝束。粉融輕汗紅襟撲。妝罷只思眠。江南四月天。綠陰簾半揭。此景清幽絕。行度竹林風。單衫杏子紅。

夢回

夢回酒醒三通鼓。斷腸啼鳩花飛處。新恨隔紅窗。羅衫淚幾行。相思何處說。空有當時月。月也異當時。團團照鬢絲。

新寒

新寒中酒敲窗雨。殘香細學秋情緒。端的是懷人。青衫有淚痕。相思不似醉。悶擁孤衾睡。記得別伊時。桃花柳萬絲。

初夏

彭孝緒

風搖柳院深深綠。池塘波暖鴛鴦浴。睡起獨憑闌。飛花不耐看。
荷錢初泛水。香出斜陽裏。懷古正臨風。月明何處鐘。

旅夜

楊陶雲

風簾一剪燈花碎。疎衾昔昔涼於水。客夢不曾還。禁鐘清漏殘。
玉塔秋草色。舊路行來識。斜月鳳樓陰。九重寒更深。

夏閨和友夔韻

莊蝶鄉

小池風剪晴波綠。闌干繞處雙鴛浴。浴罷更雙栖。蓮香午夢迷。
紅衣還對舞。似笑渾無語。底事上眉尖。愁來怯捲簾。

髯淵云蝶

鄉詞五百餘闋。思致斐亶。多殼中人語。與沈駕部倡和有合。刻今存其一。

閒清

沈去矜

相攜鬪草藏春洞。垂髮覆額眉痕重。慣會發嬌瞋。自輸翻打人。
玉欄今再見。熟面如生面。低喚小時名。回身不肯應。

閨意

蔣大鴻

紫蘋對縮相思帶。落紅驚散魚兒隊。細雨滴蓮房。寒香生滿塘。
西風催急管。幾處菱歌緩。歌歇轉舡歸。一雙鷓鴣飛。

前題

曉山重叠芙蓉萼。殘星歷亂沉河角。綠樹不禁風。新添一夜紅。
客愁催夢醒。妝閣銀餅冷。秋色上眉端。曉來臨鏡看。

前題

宋峩修

海西月色桐花暮。玉人嬌倚中庭樹。紅袖半離披。麝蘭香滿衣。

檀郎偷見面。雲鎖深深院。此後莫思量。思量却斷腸。

前題

范堯公

海棠庭院東風裊。傷心蛺蝶雙雙鬧。燕子獨憐人。呢喃伴夕曛。思量臨別後。明月誰攜手。春色已先歸。行人知未知。

登雲中清朔樓

朱錫鬯

夕陽一半樽前落。月明又上闌干角。邊馬盡歸心。鄉思深不深。小樓家萬里。也有愁人倚。望斷尺書傳。鴈飛秋滿天。

憶別

曹掌公

綺窓睡醒流鶯曉。懷人南浦迷芳草。縱使意無窮。雲山隔幾重。薰風吹碧柳。曾記頻攜手。今夜月如規。幽情只自知。

聞歌

賀黃公

笙歌只在前頭起。移舟入泊紅橋裏。翠幕影淒清。徒聞笑語聲。孤篷今夜住。莫更移他處。月色下雕簷。高樓應捲簾。

閨情

張止鑒

小池樹合模糊影。昏昏一片無人省。驀地冷風來。紗窓開復開。夜闌人正倦。往事思量遍。莫道睡時那。低頭呆記他。

卽事

周子俶

鼓聲催發真須去。留連盃酒思還住。畢竟上蘭舟。江潮和淚流。江流曲似帶。芳草輕烟外。離夢不清圓。花寒月午天。

秋閨

張崑遠

丹楓菽菽紗窓冷。蛩聲唧唧金梧井。獨自倚銀牀。殘星帶曉霜。相思空佇立。懶向機中織。凝恨傍粧臺。波光鏡裏來。

過露筋廟

王禮吉

女郎遺蹟秦郵路。晚涼門外青楓樹。石竹響空祠。蕭蕭三兩枝。

可憐嗚咽水。斜日西風裏。那更感人情。估船吹笛聲。

硯銘
二云澹

遠清雋無字句
處更堪尋繹

詠青溪遺事畫冊同其年程邨作

乍遇

王貽上

東風人柳三眠起。秋千小院重門裏。對對浴紅衣。鴛鴦塘上飛。箇人花底見。驚喜迴團扇。含笑指鴛鴦。花時日。日雙。

私語

梧桐花落飛香雪。捲簾一片玲瓏月。人月兩嬋娟。倚闌凭玉肩。小鬟春睡倦。裙上苔花茜。私語好誰聞。姮娥應羨人。

閨情

吳六益

傷心莫看樓頭月。雲窓黯澹燈明滅。惟有薄羅裳。愁人共夜涼。風吹簾幙動。驚醒鴛鴦夢。香冷倩誰溫。更闌正掩門。

新榜

孫堯表

眉痕澹蹙嬌無力。依依欲向愁邊說。腰細不勝春。東風愁殺人。隋堤人去後。秀色還依舊。倦起倩誰憐。風風雨雨天。

鬚淵
二云依

依裊裊亦復
蘊藉風流

閨情 用藥名

宋玉叔

天門東畔天涯遠。摧殘荳蔻香痕淺。懊惱不留行。連敲砧杵聲。
細心挑錦字。遠志儂愁記。翠鈿共犀梳。封題好寄奴。

隣女

錢紫曜

梅花初著輕輕雪。梨花更帶娟娟月。雪月與花枝。依然遜可兒。

韶年如碧玉。不解雙眉蹙。香徑捉迷藏。抓斜金鳳凰。

硯銘
云寫

盡嬌小行徑幾
欲當前呼出

彈琴

鄒詩士

香燒心字安銀葉。灰温火慢烟微燄。焦尾對花彈。秋聲應指寒。
同心金鳳串。莫作離鸞怨。夢峽與啼湘。惜惜一夜長。

歡情

宋舜納

深深院宇燈明滅。羅襦半解人如雪。無語却銷魂。秋波盡是春。
脂香侵繡被。一搦腰兒細。雙夢正惺忪。日高花影重。

江上

程梓園

寒江不斷東流急。晴山不改當年色。山水送韶華。紅顏付落花。
玉樓人伴月。金井飄梧葉。銀漢碧天高。燈前一曲簫。

硯銘
云寄

情山水感慨淋漓殊
有撫琴動操之意

代閨人送別用孫巨源韻

趙友沂

高樓猛聽回颿鼓。多應逼送郎舟去。一揖尚匆匆。低言那得終。
孤燈愁照處。啼斷明珠雨。那更鬱金堂。聲聲蓮漏長。

春晚

田鬚淵

滿庭雪舞梨花片。盡簾初捲來。雙燕雙燕。更雙棲美人山黛低。
玉釵回首處。獨立空庭暮。亭北倚闌干。絮飛花事殘。

春閨

晚風滿院催飛絮。窓前芍藥經微雨。山枕最關情。夢餘驚曉鶯。
翠蛾頻對鏡。無那傷春病。衫薄怯東風。杜鵑枝上紅。
硯銘
二云前
闌牽情雙燕後。闌歸咎山枕。
俱是無聊之思。却有深致。

閨繡

張硯銘

鴉翎剪掠新梳就。越羅細拭纖纖手。悄地啓窓紗。避人學繡花。
驀來諸女伴。檢起從頭看。一煞鎖春山。佯嗔怨小鬟。
鬢淵
二云應
從着眼處描出。非
虛空摹擬可到。

冬閨

夜來風雪深如許。蕭蕭瑟瑟愁千縷。不耐捲簾看。孤幃怯曉寒。
薄情何處宿。寒比儂應酷。香煖正梳頭。一聲鴈過樓。

十分秋

迴文

湯卿謀

鬪烟和雨寒。天瘦瘦。天寒雨和烟。鬪荒草暮山黃。黃山暮草荒。
亂雲江鴈斷。斷鴈江雲亂。秋晚又新愁。愁新又晚秋。

閨詞

王彙升

小樓春夢啼鶯曉。曉鶯啼夢春樓小。斜影日移花。花移日影斜。
雀屏金尾掠。掠尾金屏雀。門掩草亭深。深亭草掩門。

春暮

張止鑿

啼鶯漸老春堤柳。碧陰綠淨空長晝。清影照閒塘。池遙徑曲廊。
 簷巢雛燕落。亂絮飛輕幙。風簾繡未闌。花盡暗香殘。
 殘香暗盡花闌未。繡簾風幙輕飛絮。亂落燕雛巢。簷廊曲徑遙。
 池塘閒照影。清晝長空淨。綠陰碧柳堤。春老漸鶯啼。

春景

張覲銘

春晴正暖花深樹。柳綿吹遶江村路。路草細如愁。閒時倚暮樓。

高低飛燕落。風捲輕烟薄。衣香麝淺紅。妝鬢綠雲濃。

濃雲綠鬢妝紅淺。麝香衣薄烟輕捲。風落燕飛低。高樓暮倚時。

閒愁如細草。路路村江遶。吹綿柳樹深。花暖正晴春。

鬢淵
二云鬢

暮弄丸巧絕天工。非
細心靜氣者不能

二卷終



